

Superest de Studio tractare, quæ-
 nam enim præcedentium erat & se-
 quentiũ opportunior iactura. Nem-
 pè præcedentibus tam cognata materia
 est, ut si ocium demas, studium turbidum
& inquietum relinquatur. At si studium
 detrahis, inglorius torpor & pigro situ
 marcidus carcer est ocium: ita fit, ut hoc
 in illius requie fundatum, illud huiusmo-
 di laboribus semper ornatum sit. Rursus
 & illud constat, memoriæ ingenioque
 eloquentiæ, de quibus secuturis tractati-
 bus agendum est, nullum omnino post
 naturam ipsam maius certiusque patro-
 cinium fore, quam vehementem animi
 applicationem, ad easdem summa cum
 voluptate, quam studium vocant, ex qui-
 bus solidum constat doctrinæ nomen.
 Quo circa dilatis mediis, principium fi-
 nemque connectens, hunc studio simul
 & doctrinæ locum dedicaui. Verum quã-
 vis & quod omnium gentium pace dixe-
 rim, & reginæ urbis veneratio & excel-
 lens rerum gloria mereantur, ut postha-
 bita ratione temporum, in exemplorum
 relatione primum semper Romana lo-